



FPNW

Tshaj Tawm
2nd Edition

FRESNO POLICE & NEIGHBORHOOD WATCH



COMMUNITY NEWSLETTER

QHIA * TXHAWB ZOG * KEV TXUAM YUAV

Kuv Yuav Pib Neighborhood Watch Li Cas?

FEBRUARY 2023

Hauv tsab ntawv no:

- ★ **1- Kuv yuav pib li cas?**
- ★ **2- Kev nyiaj cov pob khoom xa tuaj rau koj**
- ★ **3- The Roz Clark Award (Khoom Plig)**
- ★ **3B- Cov tswv yim rau neeg zej zog zoo**
- ★ **4,5 Cov tub ceeb xwm FPD Crime Prevention Officers**
- ★ **6- Captain Lub Ceg Kaum (NE Capt. Horsford)**
- ★ **7- Cov Paib Tshiab & Good Neighbor Network**

Thawj kuj ruam yog kom paub koj cov neeg zej zog!

Koj puas paub koj cov neeg zej zog? Lub hauv paus ntawm pawg Neighborhood Watch txoj kev vam meej yog los ntawm kev sib raug zoo. Tej zaum cov neeg uas nyob hauv koj lub zej zog yuav muaj kev txhawj xeeb ib yam li koj thiab. Pib thawj kuj ruam! Xub pib luag ntshi, thiab yoj tes thaum taug kev lossis tsav tsheb dhau lawv xwb. Yog tias koj ua tau, kuj ruam tom ntej, yog los hais "nyob zoo". Qhia txog koj tus kheej, qhia txoj kev uas koj nyob, thiab qhia tias koj muaj siab xav los paub koj cov neeg zej zog. Nws tsuas siv ib tus neeg los pib tsa lub zej zog. Sawv daws tsim nyog nyob thiab ua hauj lwm hauv ib qhov chaw uas muaj kev nyab xeeb. Good Neighbor Network yog lub hauv paus ntawm neeg zej zog txoj kev sib koom siab. (Saib nplooj ntawv 7 los qhia txog Good Neighbor Network.)

Thaum koj ntsib tej neeg zej zog, piav qhia txog tej yam uas koj ua tau, tej yam uas koj xav kom lawv pab koj ua, thiab qhia txog koj txoj kev tshaw uas yog los tsim lub Good Neighbor Network los ua kom nej lub zej zog zoo dua rau txhua tus. Kev ua txhaum tshwm sim txhua qhov chaw, txawm yog nyob ntawm cov kev me hauv zos, lossis nyob rau koog tsev kim uas thaiv laj kab. Nws nyob ntawm peb txhua tus los ua kom Fresno nyab xeeb dua. Peb paub zoo hais tias muaj qee tus neeg zej zog thiaj muaj kev nyab xeeb nrog tub ceev xwm xwb. Peb txoj kev tshaw yog los tsim txoj kev sib ntseeg thiab muab kev sib txuas lus ntawm neeg zej zog thiab cov tub ceev xwm. Peb yuav pab qhia neeg zej zog los kawm thiab sib txhua lus nrog lwm tus thiab nrog cov koom haum hauv nroog.

Thaum koj tsim tau ib pawg, txawm pawg me npaum cas los, cov neeg sawv cev ntawm Neighborhood Watch yuav tuaj nthuav qhia txog seb nej yuav sib pab li cas thiaj tiv thaiv tau nej lub zej zog. Yog koj xav ntshib cov neeg sawv cev ntawm Police Department tub ceev xwm, peb mam caw lawv tuaj koom rau thawj lub rooj sab laj. Yog nej tsis tau npaj siab xav ntshib lawv, peb tseem yuav pab nej kom txog thaum nej npaj tau siab mus koom nrog tus Community Service Officer (tus neeg khiav dej num tiv thaiv kev ua phem hauv koj cheeb tsam.) Tom ntej ntawm tsab xov xwm no, peb yuav los piav qhia txog 5 tus Fresno Police District Crime Prevention Officers (saib nplooj 4 & 5). Yog koj lub zej zog tsis tau sau npe ua ib pawg, lossis nej xav sau npe ua ib pawg, tuaj sau npe ntawm peb lub website makefresnosafe.org lossis hu ncaj qha rau tus tswj hauv koj cheeb tsam.

Muaj email, pawg social media, texting app ntaus ntawv, thiab lwm yam. Tej txuj ci tshiab muaj ntau txoj kev sib txuas lus rau koj pawb neeg thiab tswj tsis pub lwm tus paub. Nrhiav qhov uas zoo tshaj rau koj thiab koj pawg los sib tham txog tej teeb meem hauv nej lub zej zog.

Fresno Police and Neighborhood Watch



Makefresnosafier.org

contactFPNW@gmail.com



Fresno Police - Tsis Muaj Xwm Txheej Ceev

559-621-7000

Ke v qhia hauv Online:
www.fresno.gov/police



TIP HOTLINE
559-498-STOP
CLICK HERE TO SUBMIT A TIP
DOWNLOAD OUR FREE MOBILE APP AT P3TIPS.COM

Xwm txheej ceev, lossis Kev txhaum tabtom tshwm sim

Hu Rau - 911

Code Enforcement - Txhaum Kev Cai los ntawm: kev nyab xeeb, kev lag luam, vaj tse tsis raug cai

Hu Rau - 311

Lossis Siv Tau FresGo App



[Android](#)



[Apple](#)

Ke v Nyiag Pob Khoom Xa Tuaj Rau Koj



Ke v nyiag pob khoom xa tuaj rau koj yog ib qhov tseem tham txog uas pheej tshwm sim hauv peb tej zej zog. Muaj ntau txoj kev los tiv thaiv kev tub sab. Hauv no yog ob peb txoj kev xaiv.

1. Teem cov khoom xa tuaj thaum koj paub tias yuav muaj neeg nyob tsev txais pob khoom rau koj.
2. Xa pob khoom mus rau lub Amazon lockbox lossis hais kom koj lub chaw xa ntawv tuav koj pob khoom cia.
3. Xa koj pob khoom mus rau koj qhov chaw hauj lwm, yog tias koj tau lus tso cai.
4. Yuav ib lub qhib nkalas siv nrog Amazon Key, uas tso cai rau tus neeg tsav tsheb Amazon qhib koj lub nkalas thiab muab koj pob khoom cia rau hauv.
5. Yog koj ua tsis tau li cov nqi saum no es koj yuav tau txais koj pob khoom ntawm koj tsev, nco nroov siv ib lub tais cog zaug loj lossis lwm yam khoom loj los thaiv koj pob khoom kom neeg txhob pom. Yog tub sab tsis pom pob khoom los ntawm txoj kev, feem ntau nws yuav tsis los ze. Sau ib daim ntawv ceeb toom rau tus xa khoom qhia nws tso pob khoom ntawm qhov twg.

[Nyem no. Yuav yam khoom uas ua haujlwm nrog Amazon Key ntawm Amazon.](#)



Raws li ib txwm, koob yees duab los yog lub yees duab ntawm qhov rooj zoo kawg nkaus los cim tau neeg tub sab. Cov duab muab thuav qhia tawm rau neeg zej zog thiab tub ceev xwm los pab xyuas seb lawv yog leej twg. Txawm me npaum cas los nws tseem ceeb tias koj muab ceeb toom rau tub ceev xwm. Cov koob yees duab thiab cov koob yees duab ntawm qhov rooj (Ring) yog yam cuab yeej zoo. Hom koob yees duab thiab koob yees duab ntawm qhov rooj pheej yig zog yog hom Wyze. Cov no muaj nyob rau www.wyze.com los yog ntawm Amazon. Yog koj cov koob yees duab raug nyiag, xa koj daim ntawv ceeb toom tub ceev xwm rau Ring thiab Amazon, lawv mam xa lub tshiab tuaj pub dawb.



THE ROZ CLARK AWARD *Khoom Plig*


Qhuas Txog Roz Clark

Northwest Fresno

Jim Lloyd siv Roz Clark lub tswv yim hauv nws lub zej zog!

Lub zej zog ntawm Country Villa Estates nyuam qhuav tuav ib qho kev tshwm sim los kev zaub mov mus pab cov neeg zej zog uas tsis muaj zaub mov noj. "Peb los sau ua ke ntawm ib lub tsev hauv peb zej zog. Tshaj 70 tus neeg zej zog tau pab nyiaj thiab pab zaub mov. Peb cov neeg zej zog tau sib sau los noj mov thiab noj qhob noom ua ke. Thaum kawg, peb tau xa tshaj \$1100 thiab tshaj 300 phaus zaub mov mus rau Central California Food Bank." -Jim Lloyd

Peb tab tom npaj rau lub xyoo 2023 kom muaj kev tshwm sim ntxhiv mus rau lub zej zog Northwest.



*QHOV NO YUAV
YOG TXOG IB QHO
TSEEM CEEB
NTAWM LEEJ TWG
YOG LEEJ TWG
HAUV ZEJ ZOG
THOOB NROOG
FRESNO UAS UA
TAU ZOO LI ROZ*



Kev Qhia Los Ua Tus Neeg Zej Zog Zoo!

- Saib xyuas cov neeg laus nyob ib ncig ntawm koj zej zog. Muab kev pab rawv li lawv xav tau.
- Paub txog cov tsev uas tsis muaj tus tswv tsev nyob, koj thiaj pom thaum muaj cov neeg nyob vaj tse yam tsis tau kev tso cai
- Xyuas cov teeb ntawm txoj kev, thaum tuag los yog tsis pom kev zoo, sau ntawv tuaj ceeb toom ntawm FresGo lossis hu rau 311.
- Ceeb toom rau Fresgo lossis hu rau 311 thaum muaj cov neeg tsis muaj tsev nyob los ua chaw pw lossis pov khib nyiab tsis raws cai.

DISTRICT SPOTLIGHT

NORTHEAST



Community Services Officer II
Kendall Cardoza

Kendall Cardoza tau los koom Fresno Police Department los ua tus Community Services Officer khiav dej num rau tub ceev xwm thaum lub 11 hlis ntuj xyoo 2021. Police Department tau pom Kendall txoj kev mob siab thiab txoj kev siv zog ua haujlwm, lawv thiaj muab nws nce mus ua txoj haujlwm Crime Prevention Specialist, thiab rov muab nws nce dua mus ua tus Community Services Officer II. Yav tag los Kendall ua haujlwm ua tus Animal Control Officer uas los pab saib xyuas thiab tshawb fawb txog kev ua phem rau tshiaj.

Kendall yog ib tus txhawb zog rau lub zej zog, nws tsom ntsoov rau txoj KEV QHIA los pab, txhim kho kom muaj kev zoo rau lub zej zog. Nws khiav haujlwm rau lub non-profit los pab khwv nyiaj thiab thuav qhia ALS. Nws mob siab rau txoj kev pab neeg thiab tsim kho lub zej zog.

NORTHWEST



Community Services Officer II
Marily Rendon

Marily Rendon ntawm thaj tsam Northwest Policing District ua haujlwm ze li 2 xyoo ua tus Crime Prevention Community Services Officer. Marily txoj kev xaiv los ua haujlwm nrog tub ceev xwm, yog ib txoj kev xaiv uas yeej paub meej tias yuav tshwm sim, vim tias nws yeej ib txwm paub tias muaj ib hnuv twg nws xav los ua ib tus tub ceev xwm.

Marily xam tias nws loj hlob hauv zos no, vim nws nyob no feem ntau ntawm nws lub neej. Tus neeg loj hlob ntawm no thiaj muaj kev txaus siab nkag rov los ua haujlwm nrog tej neeg zej zog. Nws txoj kev mob siab rau lub zej zog txhais tau tias nws mob siab rau kev txuam yuaj. Nws coj ob yam no ntxiv mus nrog nws txoj kev txaus siab thiab kev cog lus los pab pawg tshiaj ntawm nws cheeb tsam NW.

Marily ze qhov kawm tiav ntawm nws daim Bachelor's Degree hauv Criminology thiab npaj siab siv nws txoj kev kawm los txhawb nws txoj haujlwm nrog FPD kom mus tau deb. Ntawm kev ua haujlwm thiab kev kawm ntawv, nws nyiam saib thiab txhawb nws tus nus yau ncaws pob thiab mus yos khoom pheej yig!

CENTRAL



Community Services Officer II
Danny Guzman

Navy qub tub rog Danny Guzman yog tus Crime Prevention Community Services Officer ntawm cheeb tsam Central Policing District. Nws yog ib tus neeg uas muaj txoj kev mob siab rau nws lub zej zog thiab nws tsev neeg. Danny ua haujlwm rau Navy Military pab tub ceev xwm, tom qab ntawd nws ua haujlwm saib xyuas chaw kho mob. Nws txoj haujlwm muaj kev kawm txog pab tib neeg, thiab kev daws teeb meem.

Txij thaum nws pib haujlwm nrog Fresno Police Department. Danny pawg tswv cuab Neighborhood Watch tau loj hlob ze ntawm ob npaug. Nws muaj kev mob siab rau Kev Qhia, Kev Txhawb Zog, thiab Kev Txuam Yuaj ntxiv mus ntau lub xyoos tom ntej.

Danny thiab nws tus poj niam Maricruz muaj 3 tug tub. Lawv nyiam tsav tsheb cig tebchaws, ua si ki las, thiab txhawb pab 49'ers, Giants, thiab Lakers thaum lawv muaj kev yeej loj.

SOUTHEAST



Community Services Officer II
Beth Wicklander

Beth Wicklander, yav dhau los nws tau ua haujlwm rau lub Santa Clara County District Attorney’s Office-Bureau of Investigation, nws tau los ua haujlwm rau FPD 3 xyoos dhau los no, los ua tus khiav dej num rau Southeast District Crime Prevention CSO.

Beth qhov keeb kwm yav dhau los xws li kev txawj ua tej yam tshwj xeeb, xws li tej ntaub ntawv kev cai li choj thiab txoj haujlwm los pab txhawb txoj kev tshawb nrhiav. Nws siv nws txoj kev txawj los pab ua nws txoj haujlwm tshiab. Nws mob siab rau tej zej zog txoj kev kawm. Beth caum lawv nraim raws li FPNW txoj haujlwm uas ua tau zoo tshaj txhua yam tsis muaj dab tsi los piv tau. Beth thiab nws tus txiv muaj 2 tug menyuam. Nws nyiam txoj kev ua si kis la. Thaum Beth muaj cai nyoog seem, nws nyiam nyeem ntawv thiab ua si nrog nws 5 tus dev uas nws tau cawm.

SOUTHWEST



Community Services Officer II
Christina Hoemberg


Community Services Officer Christina Hoemberg ua haujlwm rau hauv Southwest District txij thaum lub 8 hli xyoo 2021. Tsis ntev xwb nws nrhiav tau txoj haujlwm zoo uas phim nws ntawm TXOJ KEV TXUAM YUAJ nrog lub zej zog. Nws ua haujlwm zoo nrog cov neeg zej zog, cov koom haum hauv nroog, thiab tub ceev xwm Fresno Police Department. Christina siv zog thiab siv tswv yim zoo los coj tib neeg los ua ke thiab los tsim txoj kev sib raug zoo.

Ntawm ntau txoj kev tshwm sim uas Christina tau npaj, tsis ntev los 2022 Santa’s Village muaj ze ntawm 1350 neeg pej xeem thiab neeg lag luam tuaj koom. Muaj ntau yam ua si xws li thaj duab nrog Santa/Niam Santa, muaj khoom plig, mis sov, hot dogs ua ntawm tes, khob noom, thiab paj pov kws qab zib.

Yog koj tsis paub koj nyob rau thaj tsam twg. Koj mus rau ntawm daim ntawv qhia kev hauv qab no thiab tso koj lub chaw nyob, koj thiaj paub.

Fresno Police District Map

<https://www.fresno.gov/police/policing-district-locator/>



Fresno Police and Neighborhood Watch Mission

Nws yog lub luag haujlwm ntawm Fresno Police and Neighborhood Watch Organization kom EDUCATE (muab kev qhia kev kawm), EMPOWER (kev txhawb zog) thiab ENGAGE (kev sib koom tes) nrog cov tswv cuab neeg zej zog los koom tes nrog ib leej lwm tus thiab nrog koom haum hauv nroog los txhim kho kev nyab xeeb thiab kev ua neej zoo rau cov neeg hauv peb lub zej zog



CAPTAIN LUB CEG KAUM



**Captain Jennifer Horsford,
NE District Commander**

Cheeb Tsam 1

Southwest

Captain Landon

Michael.Landon@fresno.gov

559-621-6101

Cheeb Tsam 2

Central

Captain Beckwith

Rob.Beckwith@fresno.gov

559-621-6201

Cheeb Tsam 3

Southeast

Captain Ramos

David.Ramos@fresno.gov

559-621-6301

Cheeb Tsam 4

Northeast

Captain Horsford

Jennifer.Horsford@fresno.gov

559-621-6401

Cheeb Tsam 5

Northwest

Captain Martinez

Anthony.Martinez@fresno.gov

559-621-6501

Lub hom phiaj ntawm ib pab Neighborhood Watch yog kom muaj kev sib raug zoo ntawm cov neeg zej zog thiab ua kom koj lub zej zog nyab xeeb dua. Yuav kom ua tau li no, qhov tseem ceeb yuav tau saib tej xwm txheej ntawm koj lub zej zog thiab hu tuaj qhia thaum muaj xwm txheej txawv txav. Tsis yog tias txhua yam koj xav tias txawv txav es koj cia li hu tub ceev xwm. Xws li muaj ib tus neeg uas koj tsis tau pom dua taug kev ntawm koj lub zej zog, qhov no tsis txog qhov hu tub ceev xwm. Muaj ib tus neeg txawv txav saib hauv cov tsheb lossis taug kev ncig soj xyuas tib neeg zej zog lub tsev, qhov no thiaj txaus hu tub ceev xwm.

Lub hom phiaj yog pab kom koj ua ib tug timkhawv zoo rau tub ceev xwm. Peb tsis pom zoo kom koj mus tawm tsam tib neeg vim qhov no yog ib txoj kev phom sij rau koj. Txoj kev zoo tshaj los pab, yog cim cov neeg thiab cov tsheb uas nyob rau qhov xwm txheej. Tej yam uas koj cim cias yog haiv neeg dab tsi, pojniam los txivneej, qhov siab, qhov nyav, xim plaubhau/plauhau zoo li cas, hwjtxwv, cev khaub ncaws, caws pliaiv, lub cim, lossis cov tattoo (duab ntawm lub cev). Thaum hais txog khaub ncaws, peb nrhiav hom khaub ncaws xws li (tsho tiv no, tsho sov muaj kaus mom, ris jean, ris luv, thiab lwm yam) cov xim, cov duab cim. Tej yam uas pom tseeb yuav pab tau koj cim yooj yim thiab yuav los pab tau tub ceev xwm nrhiav yooj yim dua. Thaum hais txog tsheb, peb nrhiav, hom tsheb, xim tsheb, thiab tej yam txawv ntawm lub tsheb xws li lub cev puas, cov ntawv nplaum lo rau lub tsheb, tej yam uas pawv lossis puas ntawm lub cev, thiab lwm yam. Sau daim paib naj npawb tsheb yuav pab tau, tiam sis tsis zoo yog yuav muaj kev phom sij rau koj. Peb yuav nug koj seb lub tsheb tsav mus sab twg. Koj tsis tas yuav paub tias mus sab twg, tiam sis nws yuav pab tau. Tsis ua li, koj cia hais txoj kev lub npe uas nws tabtom nyob rau thiab txoj kev uas nws yuav taug mus lossis dhau mus.

Thaum koj hu lub chaw xa xov dispatch, lawv yuav nug koj ntau cov lus nug. Tej zaum koj yuav xav tias tsis tseem ceeb, koj xav kom cia li xa tub ceev xwm tuaj xwb. Tiam sis nws tseem ceeb heev. Cov lus uas lawv nug koj thiab koj cov lus teb yuav muab xa ncaj qha mus rau cov tub ceev xwm uas tuaj khiav dej num rau koj qhov xwm txheej. Qhov tseem ceeb kom nkag siab tias thaum koj tab tom nrog lawv tham, cov tub ceev xwm twb sawv key tuaj lawm. Cov lus lawv nug koj yog kom cov tub ceev xwm paub yuav nrhiav leej twg, thiab npaj li cas thiaj pab tau koj. Lawv yuav nug kom koj qhia txog qhov xwm txheej uas tshwm sim tam sim no xwb, Tsis tha yuav piav keeb kwm ntawm cov xwm txheej yav dhau los. Ua li no, peb thiaj paub tseeb tias peb pab tau koj raws li qhov xwm txheej tam sim no. Tus tub ceev xwm tuaj txog koj mam piav qhia los tau.

Tom Ntej No

YOUR FPNW BOARD OF DIRECTORS

EXECUTIVE DIRECTOR

MARY HASKIN

INTERIM PRESIDENT

ELISHA HENDERSON

VICE PRESIDENT

GLENNA GATES

TREASURER

STEVE NOURIAN

SECRETARY

MIKKI EVERETT

CHIEF MARKETING OFFICER

BRANDON WATERS

YOUR FPD CRIME PREVENTION OFFICERS

Central:

CSO Danny Guzman

Danny.Guzman@fresno.gov

559-621-6244

Northwest:

CSO Marily Rendon

Marily.Rendon@fresno.gov

559-621-6530

Northeast:

CSO Kendall Cardoza

kendallann.cardoza@fresno.gov

559-621-6425

Southeast:

CSO Beth Wicklander

Elizabeth.wicklander@fresno.gov

559-621-6308

Southwest:

CSO Christina Hoemberg

Christina.hoemberg@fresno.gov

559-621-6110

Fresno Police and Neighborhood Watch [Community](#) Calendar



Neighborhood Watch cov paib tshiab thiab zoo tshaj yuav tuaj!



Cov paib tshiab no yuav los hloov cov paib qub uas tsis pom zoo. Yuav muaj rau cov pawg tshiab thiab cov pawg uas nquag uas ua tau li cov txheej txheem. Cov neeg sawv cev ntwam lub nroog yuav tshawb xyuas cov zej zog rau txhua qhov chaw uas muaj kev tso cai los teeb tsa cov paib no. Peb yuav ua haujlwm nrog lub zej zog txog nyiaj txiag thiab kev sib koom them cov nuj nqi. Cov zej zog uas tsis muaj cov paib yuav tsum xub sau npe los ua ib pawg. Peb cov sawv cev yuav pab koj lub zej zog los ntwam cov txheej txheem ntwam kev txhim kho zej zog. Thov mus saib peb lub website los sau npe rau hnuv no.

Good Neighbor Network

Ib pawg uas muaj kev hlub muab kev nqis tes los saib xyuas kev nyab xeeb ntwam lawv lub zej zog. Lub koom haum no tsim ntau txoj kev los sib txuas lus. Cov neeg zej zog laus ib txwm hu xov tooj lossis mus saib xyuas. Cov hluas tiam no txawj siv txujci tshiab. Qhov no ua rau nws nyuaj thaum siv tib txoj kev los sib txuas lus. Xav txog koj tej neeg zej zog thiab tej yam lawv xav tau. Tej zaum koj cov neeg zej zog yuav tau los siv ntau tshaj ib txoj kev los sib txuas lus (kev saib xyuas, hu xov tooj, ntau ntwav, email, lossis siv app). Tej zaum cov neeg zej zog hluas dua yuav tau los "txais yuav" ib tus neeg laus ntwam lawv lub zej zog, kom paub tseeb tias nws paub txog cov lus tshaj tawm lossis lus ceeb toom.

Pib txoj kev sib tham, thiaj pab tau mus ua kev sib raug zoo thiab kev phooj ywg. Los ntwam txoj kev no, tej neeg zej zog thiaj ib leeg saib xyuas ib leeg. Nco nroov saib xyuas cov xwm txheej uas zoo txawv txav lossis tej tib neeg koj tsis paub, sib tham thiaj tsis txog qhov uas hu tub ceev xwm. Thaum koj pom ib tus neeg koj tsis tau paub dua, koj nug koj tus kheej dab tsi? Muab kuaj ntsuas ua ntej uas koj xav tias muaj. Saib kom zoo thiab ntev txaus mam los txiam txim seb tus neeg ntwav puas yog ib tus qhua lossis tu neeg taug kev dhau mus xwb lossis ib tug uas ua tus yeeb yam txawv txav. Sib tham nrog cov neeg zej zog, thiab yog txaus hu, hu tub ceev xwm. Xyaum tej txuj ci yooj yim los ntwam Neighborhood Watch thiab Block Captain cov kev thuav qhia yuav pab tau koj thiab koj lub zej zog los ua koj lub Good Neighbor Network.